

Beba kin melele ko rejimwe kin Monoclonal Antibody (mAb)

Jibañ in monoclonal antibody (mAb) emaron jibañ bōbrae am bōk nañinmij in kauwōtata im kadiklok joñan armij ro rej mij jen COVID-19.

Eloñlok jikin ko rej lelok jibañ in kiō ibelakin state eo, im ebidodolok am maron bōke.

Etke kwōn bōk jibañ in mAb?

- Elab an jejet an bōbrae an armij deloñ aujbitol kin COVID-19 im kadiklok an walok COVID-19 ibben ro rej kebaak nañinmij eo.
- Ej kadiklok uwōta ñan mij.
- Emōj kamool ejejet an jermal ñan oktak eo an Delta.

Ta in antibody ko an monoclonal?

Monoclonal antibody (mAb ko) rej antibody ko rej kōmman iloan juon jikin kakōlkōl im rej bineje an kij eo deloñe cell ko am im kadiklok uwōta in am bōk nañinmij kauwōtata im deloñ aujbitol.

Woñ eo emaron tōbrak ñan jibañ in mAb?

Kajojo armij ro 12 aer yiō im rūttolok im joñan kileb eo aer ej 88 paun (40 kg) im rej:

1. Emōj an teej kwalok ewōr COVID-19

- Rej bed iloan 10 raan in an walok kakōlkōl ko
- Edik ñan bwe joñan kakōlkōl ko ibbeir
- Rej deloñ aujbitol, einwōt emaron bōk kōmadmōdin jibañ in mweo imōn im ejab ebōk jibañ in akjijen
- Emōj watōke [rinañinmij eo elab uwōta](#).

AK

2. Emōj am kebaak COVID-19 ak kwōj bed ilo joñan uwōta eo elab ñan

kebaak kin keij ko ilo juon jikin eo rinañinmij rej deloñ im jokwe (einwōt imōn nōōjin ko)

IM ejañin dedelok am wā IM emōj watōke kwōj bed ilo joñan [uwōta elab](#). Armij ro elukkun dedelok aer wā rej bar maron tōbrak ilo jet jekjek ko.

Ta eo imaron katmane ñe inaj bōk kōmadmōdin monoclonal antibody?

Kōmadmōdin monoclonal antibody ej juon dān rej lewaj ilo nidol emaron ñan eke (wā) ak iomwin kil (iloan kilim). Taktō eo am ak jikin eo ej lewaj eo kwōnaj bōke kōmadmōdin enaj kōmelele wāween kōmadmōd eo kwōnaj bōke. Juon rijerbal in ejmour eo ewōr an kapeel in katak in kaminene enaj kōjerbal nidol ilo an lewaj kōmadmōd kein ruo.

Ñe kwōjañin wā, kwōj aikuj kattar 90 raan alikin kōmadmōd eo am ñan am bōk wā eo.

Am bōke kōmadmōde in mAb ejab jañiji joñan ien eo aikuj ñan am jab ito tak ak kōjenolok kwe make. Woñmaanlok in loor melele in kajinet eo jen ra eo an ejmour ilo jukjukinbed eo am.

Wā (ilo eke eo am)

Kwōnaj aikuj etal ñan juon jikin wā ibben rijerbal ro emōj aer bōk katak in kaminene ñan am bōke monoclonal antibody ko kin wā.

Kōmadmōdin rej lewaj ilo dān ñan eke eo am ilo aer kōjerbal nidol (wāiki eok). Enaj bōk 20 - 50 minit, im emaron aitōklok, ñan kadedelok wā in. Renaj kajitōk am bar kattar juon awa alikin an dānin wā eo deloñe eke eo am ñan lolorjak ejellok abnōnō ko rekauwōtata ibbam.

Kilim (Iomwin kilim)

Ñe kwōnaj bōk kōmadmōdin monoclonal antibody ilo kilim, kwōnaj bōk emen wā kin nidol kadu ko rej deloñe kilim ilo emen jikin ko rejenolok ilo enbwinnim. Ekka an likin beim, lojem im/ak lotoñam. Am bōk aoleb emen wā ej bōk tarrin 1-3 minit. Renaj kajitōk am kattar juon awa alikin wā ko ñan lolorjak ejellok abnōnō kauwōtata ko rewalok ibbam.

Abnōnō ko remaron walok ālikin wā

Kin jabdewōt kōmadmōd kein ruo, kwōmaron enjaak jidik abnōnō ilo jikin eo rar wakare. Mennin ekkā im aikuj jako iomwin jet raan.

Jet armij remaron enjaak abnōnō ko redik einwōt:

- Metak jidik
- Bōtōktōk jidik

- Mao
- Metak
- Ebboj

Mennin ekkā kin ta ko kwōmaron iooni ilo am bōk wūno ko jet kin wā, einwōt wā eo an Covid-19 ak wā in būlu. Emaron walok abnōnō kein iomwin jet raan.

Ñe kwōj loe oktak ko einwōt metak, būrōrō, toor dān, mij, ekilñalñal ak kakōlkōl ko jet ilo iturin jikin eo rar wakare, kūrlok taktō eo am.

Abnōnō in kadek wūno eo ejejā

Ejeja, bōtab jet armij remaron wōr juon aer kadek eo ekauwōtata ñan kōmadmōdin monoclonal antibody. Rej kajitōk an aoleb kattar jab diklok jen juon awa alikin aer bōk kōmadmōd ñan lolorjak ejellok abnōnō kauwōtata im bwe ren maron kaju lelok jibañ elañe aikuj.

Abnōnō ko jet rekauwōtata

Elukkun eiēt armij remaron enjaak juon abnōnō eo elukkun jejā bōtab kauwōtata jen kōmadmōd eo. Kenono ibben taktō eo am ñe ejab bukōtlok jibañ in taktō ñe kwōnaj enjaak jabdewōt kakōlkōl ko elablok aer kauwōtata ilo raan ko alikin am bōk kōmadmōd eo:

- Metak lojem (maloñloñ, mōmموj, ak bidodo loje)
- Ebōnejnej, ebbōj, nennab, ak pok
- Addeboulul ak edik joñan aer in bōtōktōk
- Oktak joñan paam in menono
- Jabdewōt kakōlkōl ko rekāāl ak nanalok
- Abañ in emenono
- Mōjno
- Boktak

Kōmadmōdin in kain monoclonal antibody ko oktak

Casirivimab/Imdevimab- Juon kakobaba in ruo antibody ko ñan jibañ an enbwinnim bōbrae jen kij in COVID-19 elañe teej eo am ear kwalok ewōr nañinmij eo ibbam ak rej kōjerbal ñan bōbare jen nañinmij eo elañe kwar kebaak kij eo an COVID-19. Wūno eo emaron iwōj kin wā ilo IV (ilo eke) ak kin emen wā ilo kilim. Renaj aikuj lale kwe iomwin 1 awa alikin am bōk kōmadmōd eo.

Bamlanivimab/Etesivimab- Juon kakobaba in antibody ko ruo ñan jibañ an enbwinnim bōbrae jen kij eo an COVID-19 elañe teej eo am ear kwalok ewōr nañinmij eo ibbam ak rej kōjerbal ñan bōbare jen nañinmij eo elañe kwar kebaak kij eo an COVID-19. Remaron lewaj wōt wūno eo ilo wā in IV (ilo eke). Renaj aikuj lale kwe iomwin 1 awa alikin am bōk kōmadmōd eo.

Sotrovimab- Juon antibody ñan jibañ an enbwinnim bōbrae jen kij eo an COVID-19 elañe teej eo am ej kwalok ewōr nañinmij eo ibbam. Remaron lewaj wōt wūno eo ilo wā in IV (ilo eke). Renaj aikuj lale kwe iomwin 1 awa alikin am bōk kōmadmōd eo.

Ta eo kwōn katmane alikin kōmadmōd eo?

Alikin am bōk kōmadmōd eo kwōj aikuj rool ñan mweo imōm, kakkije im kejbarok kakōlkōlin COVID-19 ko ibbam elañe ewōr ibbam. Ñe kwōj enjaak metak ilo jikin ko rar wakare, kwōmaron kōjerbal juon kein kamololo ion jikin ko rar wakare ilo raan eo kwar bōk kōmadmōd eo. Tokelik, kōmaanane (einwōt juon kein kōmaanane) emaron jibañ kin jabdewōt mao.

Eloñ armij rebañ aikuj kōmadmōd ko jet relablok tokelik. Taktō eo am enaj kenono ibbam elañe ej lomnak kwōj aikuj bōk kōmadmōd eo elablok.

Kwōmaron jino enjaake an mokaj an emmonlok kakōlkōlin COVID-19 ko ibbam, ak emaron bōk jidik ien mokta jen am jino enjaake an emmonlok am mour. Ilo jet jekjek ko, kwōmaron ioone an nanalok kakōlkōlin COVID-19 ko ibbam. Kwōj aikuj bukōtlok taktō ien eo wōt elañe kakōlkōl ko am rekauwōtata, im:

- Eabañ am emenono
- Metak me ej bed wōt ak eddo ubōn
- Ekāāl an boktak
- Ejab maroñ ruj ak ruj wōt
- O, kurae, ak būlu kalor in kil, tien, ak akiin bein, ekkar ñan kilin.

Nan ripoot kin abnōnō ko rekauwōtata

1. Ba ñan taktō eo am ilo ien eo wōt
2. Ripoote lok abnōnō ko rej walok ibbam ñan FDA MedWatch ilo www.fda.gov/medwatch ñe ejab kūrlok 1-800-FDA-1088 ñe ejab kūrlok 1-844- 734-6643.

Woñ eo kwōn kall ae kin kajitōk ko

Ñe ewōr am kajitōk ak abnōnō kin jibañ in kōmadmōd eo am, kūrlok taktō eo am ak jikin taktō ak jikin wūno eo kwōj ebōk jibañ in kōmadmōd eo am.

Maroñ loe beba in: Ñan armij ro im elōñ aer utamwe ak armij ro im rejelā juon bar kajin im ejab Kajin Belle, OHA emaroñ lelok melele ko ilo wāween ko jet einwōt ukok ko, jeje kileb, ak jeje ko an ribilo. Kebaak COVID-19 Communications Unit (Jikin Bōk Melele kin COVID-19) ilo 1-971-673-2411, 711 TTY ak COVID19.LanguageAccess@dhsosha.state.or.us.